

# Das erst theyl von der Rechnung.

## Numeratio, oder Numerirn.

Leeret die außsprechung der zal.

### Die erst Regel.

**E**S sein neun bedeutlich figuren / durch welche man alle zal schreibt / als / 1. 2. 3. 4. 5. 6. 7. 8. 9. vñ die zehend ist ein vnbedeutliche / als / 0. nulla gehenssen / welche für sich nichts bedeut / sonder wann sie wirt gesagt vor die bedeutlichen / gegender rechten handt / so bringe sie einer jeglichen zal bedeutung zehen mal souil / als in disem exempel / 24. ist vier vnd zwenzig / setz ein 0 darfür als / 240. so hastu zwey hundert vnd vierzig. Auch erfüllet sie die leeren stett / als wann ich wolte schreiben / tausent fünffhundert vnd zwenzig / so setz ich für die zal die vnder zehen sein / welcher dann kein da ist / ein nulla / vnd steht / 1520.

### Die ander Regel.

Die distinction odder ordnung der zahl sahet an von der rechten hand / also daß ein jegliche figur an der ersten statt sein natürliche außsprechung halte / als 1. eins / 2. zwey / 3. drey / 4. vier / 5. fünff / 6. sechs / 7. siben / 8. acht / 9. neun / Vnd an der andern statt gibt ein jegliche jetzt benandt figur